

Naqqiut

(1. oktober 2015 ulluligaq taarserpaa, allannguuteqanngilaq naalisaannarneqarami)

Kalaallit Nunaanni aningaasaqarnikkut inatsisaasut naleqqussarnissaannut peqqussutitut arlalinnut Namminersorlutik Oqartussat oqaaseqaatissaat pillugit Inatsisartut aalajangiussassaattut siunnersuut.

(Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq)

Saqqummiussinermut allakkiaq

(Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq)

Siullermeenera

Akiligassarsisitsisarfinnut aningaasaliisarfinnullu aningaasaateqarnissaq nakkutilliinikkullu piunasaqaateqarnissaq pillugu inatsimmut Kalaallit Nunaannut atuuttussatut aalajangiussassatut siunnersuut, aammalu aningaasanik ingerlataqarneq pillugu inatsisip allanngortinnissaa pillugu inatsimmi nr. 268, 25. marts 2014-imeersumi § 1-ip ilaanik kunngip peqqussutaatigut aammalu inatsisinik assigiinngitsunik allanik Kalaallit Nunaannut atuutsitsilernissat Inatsisartut 2015-imi upernaakkut ataatsimiinnerminni akuersissutigat.

Aalajangiussassatut siunnersuutit taakkuninnga marlunnik akuersissuteqarnerit EU-mi aningaasaateqarnissamut peqqussutip (CRD IV) aamma tassunga ilaasutut peqqussummit (CRR) malitsigitatut malittarisassianut Kalaallit Nunaanni aningaasaqarnermut inatsisaasut naapertuuttungortinnissaat pisariaqarpoq.

Kalaallit Nunaanni aningaasaliisarnermut peqqussut aningaasaliisarnermik ingerlatsineq pillugu inatsimmik tunngaveqartoq kingullermik malinnaatinneqarsimavoq 2012-imi. Taamaattorli maannakkut atuuttut aningaasanik ingerlataqarneq pillugu inatsisip Kalaallit Nunaannut atuutsinnissaa pillugu peqqussutaasoq atuutsinneqaraluartoq aningaasanik ingerlataqarneq pillugu Danmarkimi inatsit atuuttoq arlaleriarlugu allanngortinneqartarsimavoq.

Aalajangiiffigisassatut siunnersuummik matuminnga saqqummiussineq, kunngip peqqussutaanut oqaaseqaateqarnissaq, ullormut oqaluuserisassani immikkoortoq

UKA2015/153 taamaattumik Inatsisartut upernaq ataatsimiinnerminni aalajangiiffigisaannik marluusunik malitseqartitsinertut isigineqassaaq.

Tassalu aalajangiiffigisassatut siunnersuummi siunertarineqarpoq nunatsinni aningaasaqarnikkut ingerlatsineq pillugu inatsisiliornitta malinnaatsinneqarnissaa, allannguutit 2014 tikillugu suliarineqarsimasut eqqarsaatigalugit, CRR-imut peqqussutip aammalu CRD IV-mut maleruagassap Danmarkimi atortuulersinneqarsimanerannut malinnaatitsinissaaq.

Kunngip peqqussutaanut siunnersuutini ataasiakkaani erseqqinnerusumik imarisaannut tunngatillugu eqikkaaneq agguaassaaq innersuussutigissavara, tassani allannguutit pingaarnerpaat, inatsisini allannguutit tullerriaakkat malitsigisaat misissorneqarlutillu nassuiarneqarmata.

Ilaatigut pineqartut tassaapput aningaasaqarnikkut siunnersuisarnermik suliaqartartut qanoq ittunik piginnaasaqarnissaa pillugu piumasaqaatit, akissaasersuinermit politikki, tamanut saqqummiussisarneq, kukkunerisuineq, tunngaviusumik aningaasaliissutit, nakkutilliineq il.il.

Taamatut oqaaseqalunga aammalu peqqussutinut siunnersuutit, taakkunungalugu suliarineqartutut eqikkaaneq tamarmiusoq innersuussutigalugit aalajangiussassatut siunnersuutip akuersissutigiginissaa inassutigissavara.